



# ILIDŽA

**INFORMATIVNI BILTEN OPĆINE ILIDŽA**  
Ilidža • Oktobar 2015 • Broj 142






**REDOVNA SJEDNICA OPĆINSKOG VIJEĆA**

## Usvojen Izvještaj o izvršenju Budžeta za period 1.01.-30.09.2015.

Općinsko vijeće Ilidža na 32. redovnoj sjednici održanoj 29. oktobra 2015. godine u Multifunkcionalnoj sali usvojilo je sa 20 glasova za i dva suzdržana Izvještaj o izvršenju Budžeta Općine Ilidža za period 01.01. - 30.09.2015.godine i Kvartalni finansijski izvještaj za period 01.01. - 30.09.2015.godine, uz konstataciju da se planirani projekti realizuju prema opravdanoj tehnološko - ekonomskoj dinamici. Ukupno ostvareni prihodi i primici iznose 17.257.369,08, a ostvareni rashodi i izdaci 16.035.535,31. Razlika između ostvarenih prihoda i primitaka i rashoda i izdataka je 1.221.833,77, te se razlika između ostvarenih prihoda i primitaka i rashoda i izdataka iz tekućeg perioda u iznosu od 1.221.833,77 KM prenosi se u budžet za naredni period.

## Utvrđen Nacrt odluke o usvajanju i provođenju RP Azići II

Općinsko vijeće utvrdilo je Nacrt Odluke o usvajanju Regulacionog plana „Azići II“ i Nacrt Odluke o provođenju Regulacionog plana „Azići II“ i isti uputilo na javnu raspravu u trajanju od 30 dana. Zadužuje se Služba za prostorno uređenje da u saradnji sa Zavodom za planiranje razvoja Kantona Sarajevo organizuje i provede javnu raspravu o Nacrtu Odluke o usvajanju Regulacionog plana „Azići II“ i Nacrtu Odluke o provođenju Regulacionog plana „Azići II“. Javna rasprava održat će se 02. decembra 2015. god. (srijeda) u 17.00 sati u Mjesnoj zajednici Stup, ulica Nikole Šopa br. 52. Zadužuje se Služba za prostorno uređenje da u saradnji sa Zavodom za planiranje razvoja Kantona Sarajevo podnese izvještaj o rezultatima javne rasprave i pripremi Prijedlog Odluke o usvajanju i provođenju Regulacionog plana „Azići II“.



## Primjedbe, mišljenja i sugestije na Nacrt „B“ faze - Izmjene i dopune Prostornog plana Kantona Sarajevo za period od 2003. do 2023.godine uputiti nadležnim

Primjedbe, mišljenja i sugestije na Nacrt „B“ faze - Izmjene i dopune Prostornog plana Kantona Sarajevo za period od 2003. do 2023.godine sa Nacrtom Odluke o izmjenama i dopunama Odluke o provođenju Prostornog plana Kantona Sarajevo za period od 2003. do 2023. godine, bila je jedna od tačaka dnevnog reda. Vijeće je raz-

matralo navedeni materijal i predložilo da se primjedbe, mišljenja i sugestije Općinskog načelnika, Komisije, općinskih vijećnika i građana koje su dostavljene upute Ministarstvu prostornog uređenja, građenja i zaštite okoliša i Zavodu za planiranje razvoja Kantona Sarajevo na razmatranje.



## Informacija o provedenom postupku dodjele novčanih sredstava doznačenih Općini ilidža

Informacija o provedenom postupku dodjele novčanih sredstava doznačenih Općini Ilidža od Federalnog Fonda za pomoć nastradalim područjima od prirodne nesreće na teritoriji FBiH (poplave maj - august 2014. godine) bio je materijal koji su vijećnici primili k znanju.

Na osnovu Odluke Općinskog načelnika izvršena je raspodjela novčanih sredstava dobijenih od strane Federalnog fonda za pomoć nastradalim područjima od prirodne nesreće na teritoriji FBiH. Novčana sredstva dodjeljivana su fizičkim licima koja su imala štetu isključivo na stambenim objektima prilikom majskih i augustovskih poplava (ukupno 79 fizičkih lica). Fizička lica su prilikom dobivanja novčanih sredstava bila u obavezi potpisati Tripartitni ugovor, u kojem stoji da se dobivena novčana sredstva ulože u sanaciju stambenog objekta u roku od 90 dana od dana potpisivanja Ugovora

Komisija za procjenu šteta je izvršila telefonsko pozivanje svih lica koja su dobila novčana sredstva kako bi ih podsjetili na preuzete obaveze, te ih obavijestila da ukoliko posjeduju račune o kupovini građevinskog materijala za sanaciju stambenih objekata, iste dostave ovoj Komisiji. Za sva lica koja ne dostave potrebne račune, Komisija će izlaziti na lice mjesta i zapisnikom konstatovati da li su dobivena sredstva uložena u sanaciju stambenog objekta. Općinskoj Komisiji za procjenu šteta od prirodnih i drugih nesreća je u mjesecu maju, junu i septembru račune, kao dokaz da su dobivena novčana sredstva utrošena u sanaciju stambenih objekata je dostavilo ukupno 32 fizička lica. Napravljen je spisak lica koji nisu dostavili račune o utrošku dobivenih novčanih sredstava, ili dostavljeni računi nisu dovoljni u odnosu na dobiveni iznos (ukupno 47 lica), za koje Komisija uvidom na lice mjesta mora zapisnikom utvrditi da li su dobivena novčana sredstva utrošena za sanaciju stambenog objekta. Komisija je, izlaskom na teren, obišla sve lokacije i za svaku pojedinačno napravila zapisnik koji je potpisan i od strane vlasnika stambenog objekta, te utvrdila da 47 fizičkih lica namjenski je utrošilo dobivena sredstva u sanaciju stambenog objekta, s tim da je za jedno lice Komisija morala izlaziti na teren dana 16. septembra 2015. godine, jer se isto nalazi na radu u Austriji, a navedenog datuma je bio kod kuće na godišnjem odmoru. Na osnovu gore navedenog Komisija je konstatovala da je svih 79 lica namjenski utrošilo dobivena novčana sredstva za sanaciju stambenih objekata.

### Imenovan predsjednik i dva člana Skupštine preduzeća "Ilidža"

Općinsko vijeće Ilidža na 32. redovnoj sjednici donijelo je Odluku o imenovanju predsjednika i dva člana Skupštine Javnog preduzeća za obavljanje komunalnih i drugih djelatnosti od javnog interesa Općine Ilidža „Ilidža“ društvo sa ograničenom odgovornošću.

Ovom Odlukom Općinsko vijeće Ilidža na dužnost predsjednika i dva člana Skupštine Javnog preduzeća za obavljanje komunalnih i drugih djelatnosti od javnog interesa općine Ilidža „Ilidža“ imenuje Alvida Hubijara, za predsjednika Skupštine preduzeća, a za članove Hidajeta Bešića i Mirsada Žuju. Predsjednik i članovi Skupštine preduzeća iz imenuju se na period od četiri godine počev od 29. oktobra 2015. godine.

### Prijedlozi akata o regulisanju imovinsko pravnih odnosa

Općinsko vijeće Ilidža usvojilo je prijedloge akata o regulisanju imovinsko pravnih odnosa u svrhu legalizacije stambenih objekata po zahtjevima Duran Palalija, Hamdo Ikić, Risto Jokić.

Usvojen je i Prijedlog rješenja o rješavanju imovinsko-pravnih odnosa u svrhu legalizacije stambeno - poslovnog objekata po zahtjevu Merdina Kadić - Alibašić, kao i prijedlog rješenja o rješavanju imovinsko-pravnih odnosa u svrhu legalizacije garaže po zahtjevima Omer Agović i Ivan Malešić.

Vijeće je glasalo i za Prijedlog rješenja o preuzimanju neizgrađenog gradskog građevinskog zemljišta radi privođenja krajnjoj namjeni od nosioca prava raspolaganja KJP Poljoprivredno dobro Butmir d.o.o. Sarajevo, kao i za izmjenu rješenja po zahtjevima Muhameda Smajlovića i Zijada Ragipovića.

### Data saglasnost na Statut preduzeća "Ilidža"

Općinsko vijeće Ilidža na 32. sjednici dalo je saglasnost na Statut Javnog preduzeća za obavljanje komunalnih i drugih djelatnosti od javnog interesa Općine "Ilidža" društvo sa ograničenom odgovornošću. Još 16. septembra donesen je Statut Javnog preduzeća za obavljanje komunalnih i drugih djelatnosti od javnog interesa Općine Ilidža "Ilidža" d.o.o. Preduzeće će poslovati pod nazivom JP "Ilidža" d.o.o. Sjedište preduzeća je u Hrasnici, Trg branilaca Hrasnice bb. Osnovni kapital preduzeća iznosi 10.000 KM i predstavlja ulog osnivača, Općinskog vijeća Ilidža.





## Za izgradnju kolektora u Rakovici i kanalizacione mreže u Hrasnici izdvojeno 190.000,00 KM

Sporazum o finansiranju-sufinansiranju projekata na Sostatak namjenskih sredstva -vodne naknade iz Budžeta Kantona Sarajevo potpisali su 20. oktobra 2015. u zgradi Vlade Kantona Sarajevo ministar komunalne privrede i infrastrukture KS Senad Hasanspahić i načelnik Općine Ilidža prof. dr. Senaid Memić. Sredstva Ministarstva komunalne privrede i infrastrukture Kantona Sarajevo u iznosu od 190.000,00 KM u narednom periodu bit će utrošena za sufinansiranje izgradnje fekalnog kolektora u Rakovici i kanalizacione mreže u ulici Stari Kovači u Hrasnici.

„Nadam se da će sredstva koja su izdvojena za ove namjene biti kvalitetno i utrošena. Ukupna vrijednost prve faze izgradnje kolektora iznosi 210.650,53 KM, od čega je ovo ministarstvo ranijim sporazumom izdvojilo 110.000,00 KM, a današnjim još 90.000,00 KM. Izgradnja fekalne kanalizacione mreže u ulici Stari Kovači u MZ Krasnica II, kojom se mijenja postojeća mreža sa odgovarajućim cijevima koje se trebaju koristiti u vodozaštitnoj zoni košta 134.310,45 KM, za čiju potrebu će se izdvojiti 100.000,00 KM putem sredstva kojim raspolaže Ministarstvo komunalne privrede i infrastrukture“ izjavio je načelnik Memić.

Dodao je kako je za potpunu izgradnju i uređenje kanalizacione mreže na području općine Ilidža, kako bi se zadovoljili svi ekološki standardi za zaštitu vode i vodotoka, potrebno oko 50 miliona KM, ali i da je nemoguće planirati sva ta sredstava, već će se ona izdvajati dio po dio.

„Ministarstvo komunalne privrede je sredstvima prikupljenim iz vodne naknade u iznosu od 6.000.000,00 KM ove godine sufinansiralo projekte koje su kandidirali vodeći ljudi lokalnih zajednica u Kantonu Sarajevo“, kazao je ministar Hasanspahić te dodao da je za Općinu Ilidža u ovoj godini planirano oko 400.000,00 KM.

Najavio je da će raspodjela ovih sredstava sljedeće godine biti bitno drugačija, jer će ona biti više usmjerena na sanaciju i saniranje kvarova na vodovodnoj mreži u Kantonu Sarajevo, posebno zbog dotrajalosti ove mreže i aktuelnih problema sa vodosnabdijevanjem.



## Posjeta delegacije privrednika iz Zaljevskih zemalja Općini Ilidža

Nakon posjete Vladi Kantona Sarajevo 9. oktobra 2015. delegacija privrednika iz Zaljevskih zemalja koju je predvodio Abdulrahim Naqi, generalni sekretar Federacije privrednih komora ovih zemalja, posjetila je i Općinu Ilidža.

Ugostio ih je načelnik prof. dr. Senaid Memić koji ih je upoznao sa historijatom, razvojem i potencijalom ove općine, te mogućnostima ulaganja svih vrsta biznisa naročito u oblasti turizma.

„Ova općina je četvrta po razvoju u BiH i mi svaki dan se trudimo da budemo što više otvoreni prema investitorima. Nažalost imamo i poteškoća administrativne prirode, ali uz dobru volju sve ćemo prevazići“ rekao je tokom sastanka načelnik Memić.

„Sarajevo, ali i Bosna i Hercegovina raspolažu brojnim prirodnim bogatstvima, tu prije svega mislim na rude, minerale i šume, što znači da imate odličan teren za investitore, ali morate napraviti sistem koji će podržati i pomoći razvoj najprije vaše domaće proizvodnje, a tako ćete otvoriti i vrata stranim ulagačima“, naglasio je Naqi, te dodao kako su oni raspoloženi da pomognu u kreiranju zajedničkih projekata kojima će se potaći razvoj BiH općenito ali politika treba da bude iza ekonomije.

## Načelnik Memić uručio ključeve vatrogasnog vozila Vatrogasnom društvu “Ilidža

Općina Ilidža kupila je vatrogasno vozilo u vrijednosti 309.000 KM (bez PDV-a). Kupovinom ovog vozila bit će opremljena Služba zaštite i spašavanja od požara formirana u Vatrogasnom društvu “Ilidža”.

Načelnik Općine Ilidža prof. dr. Senaid Memić uručio je ključeve vozila 9. oktobra ispred zgrade Općine Ilidža komandiru Službe zaštite i spašavanja na korištenje Asmiru Imamoviću.

“Općina Ilidža je sa željom da materijalno ojača ilidžanske vatrogasce u budžetu osigurala sredstva za nabavku novog vatrogasnog vozila. Vatrogasci su pokazali spremnost i odlučnost da se uhvate u koštac sa požarima i poplavama, ali bez ulaganja u novu opremu i vozila ne možemo očekivati brze intervencije“, kazao je načelnik Memić, dodajući da su kupovinom vozila vatrogascima

osigurani bolji uslovi za rad, što će se nastaviti i u narednim godinama, jer je prevencija najbolji način rada, a ne saniranje šteta, koje uzrokuju požari, poplave i ostale elementarne nepogode. Imamović je zahvalio Općini Ilidža izrazivši nadu da će se vozilo malo koristiti.





## Načelnik Memić dobio priznanje Zlatni znak

Udruženje ratnih vojnih invalida Ilidža 12. oktobra 2015. godine je obilježilo 21 godinu rada i postojanja Udruženja, povodom čega je održana Svečana skupština u restoranu Bazeni - Ilidža. Tom prilikom je Udruženje pripremlilo kratkometražni film u kojem je prikazan rad Udruženja od početka postojanja, tačnije film koji se odnosio na sve ono što se postiglo tokom ovih godina. Nakon prikazanog filma uručene su zahvalnice najzaslužnijim članovima i prijateljima udruženja koji su nesebično pomagali Udruženje, od kojih izdvajamo našeg načelnika Općine Ilidža prof.dr. Senaida Memića koji je tom prilikom dobio priznanje Zlatni znak, te generala Fikreta Prevljaka, nekadašnjeg komandanta 104. Viteške brigade.



## Učenici donijeli ašure načelniku Memiću

Načelnik Općine Ilidža prof. dr. Senaid Memić ugostio je 23. oktobra 2015. godine učenike Četvrtne osnovne škole Aminu Salijević, Irmana Karkelju, Adnu Holjan i Iman Čolpu. Ovi učenici uručili su načelniku ašure koji su sami spravljali sa svojom nastavnicom vjeronauke.

„Iznenaden sam da ste došli i donijeli ovako vrijedan poklon. Vaš trud nije mali, a meni je prevelik. Iako imam puno obaveza moram istaći da mi je ovo bila danas najljepša. Ponosam sam što su takvi učenici u našoj općini,, izjavio je, između ostalog, načelnik Memić.

Prema brojnim predajama i hadisima, za taj dan se vežu posebni historijski događaji koji imaju duhovni i socijalni karakter. Ašura ima i socijalnu dimenziju koja podrazumijeva pripremljanje jela ašure, sličnog kompotu, ali od raznih zrnastih plodova, suhog voća, začina i mirodija. U Bosni i Hercegovini običaj je da se u ašuru stavi od sedam do 77 namirnica. Ovo jelo se dijeli komšijama i rodbini, a ašura je i u službi zdravlja, jer savremeni principi ishrane preporučuju takvu vrsta jela.

## Omladinski radnici u posjeti Općini Ilidža

Omladinski radnici iz Njemačke, Hrvatske i Srbije posjetili su Općinu Ilidža gdje ih je ugostio prvi čovjek Općine, načelnik prof. dr. Senaid Memić.

Načelnik je upoznao goste sa istorijatom općine, trenutnim razvojem i budućim projektima ove lokalne zajednice, istakavši zadovoljstvo što Ilidža uspješno učestvuje u mnogim projektima za mlade.

Gosti su sa predstavnicima Službe za obrazovanje, kulturu, sport i informisanje razmijenili iskustva i mogući način saradnje u budućim projektima.



## Održana javna rasprava o Izmjenama i dopunama prostornog plana KS

Na osnovu zaključka Skupštine Kantona Sarajevo koja je utvrdila Nacrt B faze izmjena i dopuna prostornog plana za period 2003-2023. sa Nacrtom Odluke o izmjenama i dopuna prostornog plana Kantona Sarajevo u Općini Ilidža u Multifunkcionalnoj sali održana je javna rasprava 7. oktobra 2015. godine. Materijal je od 4. augusta 2015. bio dostupan na javnom uvidu u Općini Ilidža, gdje su se građani mogli informisati. Na javnoj raspravi je rečeno da u roku od deset dana svi zainteresirani subjekti mogu dostaviti svoje prijedloge, primjedbe i sugestije Općini Ilidža u pisanoj formi, a nakon toga će Općina Ilidža Ministarstvu prostornog uređenja, građenja i zaštite okoliša Kantona Sarajevo.



Javnoj raspravi su prisustvovali predstavnici Zavoda za planiranje Kantona Sarajevo, Ministarstva prostornog uređenja, građenja i zaštite okoliša Kantona Sarajevo, općinski načelnik sa saradnicima, vijećnici i građani.





## “Od biznis ideja proizvodnje roba do milionera”

“Od biznis ideja proizvodnje roba do milionera” naziv je projekta, čiju je prezentaciju organizovala Općina Ilidža u saradnji sa Koordinacijom boračkih udruženja i žrtava rata u svojstvu partnera prijedloga projekta. Prezentacija projekta je održana 7. oktobra u prostorijama boračkih udruženja, Mala aleja 40. Ciljna grupa za ovaj projekat su mladi nezaposleni koji se vode na evidenciji Biroa za zapošljavanje, a krajnji korisnici bi trebali biti 120 mladih nezaposlenih članova porodica šehida/poginulih porodica, ratnih vojnih invalida, demobilisanih boraca koji bi trebali naučiti pisati projekte i aplicirati prema međunarodnim organizacijama i državnim institucijama.

Na osnovu podataka izvršene ankete u izradi Strategije mladih općine Ilidža, mladi nezaposleni su iskazali želju da njih 76 posto je voljno pokrenuti vlastiti biznis, a 87 posto mladih i nezaposlenih smatra da bi im poslovni seminari (edukacija) bio od koristi za pokretanje vlastitog biznisa.

Premal je broj mikro, malih i srednjih preduzeća na području općine Ilidža koja se bave proizvodnjom roba. Najviše mikro i malih preduzeća evidentirano je u trgovini i to 44,7 posto, u uslužnim djelatnostima 9,5 posto, a u prerađivačkoj industriji 8,2 posto

Statistički podaci pokazuju da je premal broj mikro, malih i srednjih preduzeća koji proizvode robu za domaće tržište i izvoz, a povećan je uvoz robe koja bi se mogla proizvoditi na Ilidži. Mikro, mala i srednja preduzeća stvaraju nova radna mjesta, ali se i političari i ekonomisti slažu da je podrška mikro, malim i srednjim preduzećima od ključne važnosti za ekonomski razvoj općine. Međutim ova preduzeća nailaze na određeni broj vanjskih i unutarnjih



prepreka na svom putu ka formiranju, registrovanju i napretku. Glavne vanjske prepreke se vezuju za siromašnu sredinu u kojoj se preduzeća osnivaju i formiraju. Ovaj faktor uključuje i pretjerane zahtjeve administracije, neusaglašene poreske stope širom BiH, problem u pristupu odgovarajućim finansijskim potporama i upošljavanju radnika, rečeno je na ovoj prezentaciji. Glavne unutrašnje prepreke za formiranje, registrovanje mikro, malih i srednjih preduzeća vezuju se i za nizak nivo znanja i vještina na polju novih tehnologija, menadžmenta, nepoznavanja stranih jezika i finansijskog računovodstva. Većina mikro, malih i srednjih preduzeća koja se registruju nemaju ni određenu strategiju.

“Edukacijom krajnjih korisnika otklonili bi se bar donekle problemi, a krajnji rezultat trebalo bi biti nova radna mjesta” poručio je Mirsad Sinanović, pomoćnik načelnika za boračka pitanja Općine Ilidža.



## Škola plivanja za 618 osnovaca

Pomoćnik načelnika za obrazovanje, kulturu, sport i informisanje Općine Ilidža Denis Muhović posjetio je 22. oktobra Olimpijski bazen Otoka gdje se realizira projekat besplatne škole plivanja za osnovce sa područja ove općine.

“Želim vam prenijeti pozdrave načelnika Općine prof. dr. Senaida Memića i nadamo se da će ovaj projekat ostvariti pozitivne efekte ne samo zbog naučenih osnovnih elemenata plivanja, nego i zbog socijalizacije kroz ovakve sportsko - edukativne aktivnosti” izjavio je Denis Muhović.

Općina Ilidža za ovaj projekat izdvojila je 20.000 KM. Cilj projekta je edukacija, odnosno podučavanje djece osnovnim plivačkim vještinama i usavršavanje pravilnog izvođenja plivačkih tehnika za djecu plivače. Časovi plivanja omogućeni su za 618 osnovaca četvrtih razreda sa područja općine Ilidža.

Prva osnovna škola u školu plivanja poslala je 71 učenika, Druga 66, Treća 56, Četvrta 39, Peta 69, Šesta 55, Sedma 75, Osmo 60, Deveta 47, Deseta 62 i Osnovna škol El-manar 18.

Škola je počela 19. oktobra i trajat će do 30. novembra.

## Općina Ilidža finansira prijevoz učenika s teškoćama u kretanju

I ove godine, Općina Ilidža je iz budžeta izdvojila sredstva za prijevoz učenika osnovnih i srednjih škola koji imaju probleme u kretanju, kao i njihove pratiocice. Za te namjene, za prvo polugodište školske 2015/2016. godine do sada je izdvojeno 15.247,51 KM, a time je osiguran besplatan prijevoz za 39 učenika, sa pratiocima.

Trenutni korisnici ovog vida podrške su učenici i njihovi pratioci koji pohađaju Centar „Vladimir Nazor“ Sarajevo, Centar za slušnu i govornu rehabilitaciju, Centar za slijepu i slabovidnu djecu i omladinu, Škola za srednje stručno obrazovanje i radno osposobljavanje i Zavod za specijalno obrazovanje i odgoj djece „Mjedenaica”.







## Obilježena godišnjica pogibije ratnih heroja Stanića i Porobića

U Azićima je 7. oktobra 2015. godine obilježen dan pogibije sarajevskih heroja Mehe Porobića i Ivica Stanića, dobitnika najvećeg ratnog priznanja Zlatni ljiljan.

Delegacije boračkih udruženja, porodica šehida, poginulih boraca, Općine Ilidža i Kantona Sarajevo položile su cvijeće na spomen-ploče ovim braniteljima i odale im dužno poštovanje.

Meho Porobić, pukovnik i načelnik štaba 102. motorizovane brigade, pored Zlatnog ljiljana, dobitnik je Ordena za vojne zasluge sa zlatnim mačevima, a ove nagrade su mu posthumno dodijeljene. Poginuo je sa saborcima 8. oktobra 1992. u borbama za Aziće. Na istom mjestu život je časno položio i borac, major Ivica Stanić, koji je ostao da brani svoje ognjište, iako je bio pripadnik HVO-a.

Prisutnima se obratio general Hajrudin Grabovica, saborac ovih heroja, koji je ponovio da žrtve Porobića i Stanića nikad ne smiju biti zaboravljene, te da zajednički cilj jedinstvene BiH mora biti svima prioritet.

## Delegacija Općine Ilidža položila cvijeće i odala počast Zaimu Imamoviću

Delegacija Općine Ilidža 9. oktobra 2015. ispred Ali-pašine džamije u Sarajevu položila je cvijeće i odala počast istinskom heroju Zaimu Imamoviću, komandanta 14. divizije Prvog korpusa Armije Republike Bosne i Hercegovine, posthumno odlikovanog najvišim ratnim priznanjem značkom "Zlatni ljiljan".

Samo dva dana prije uspostave trajnog primirja na tlu BiH, veliki čovjek, patriot, istinski gazija i heroj oslobodilačkog rata, poginuo je od gelera na treskavičkom visu Čelina, 9. oktobra 1995. godine u 34. godini, na prvoj borbenoj liniji u rejonu Rogojska greda, poginuo je legendarni Imamović, simbol herojske odbrane Goražda. Imamović je zaustavljen je na putu ka rodnom Goraždu u ostvarenju svog životnog cilja - spojiti goraždansku sa slobodnom teritorijom ostatka države.



## Obilježena 21. godišnjica odbrane Hojte

Pripadnici Četvrte viteške brigade 29. oktobra 2015. obilježili su 21. godišnjicu oslobađanja Hojte. Na platou kod sela Lukavac sakupili su se nekadašnji pripadnici diverzantskog odreda "Fikro" kao i članovi Udruženja Četvrta viteška brigada, borci iz drugih jedinica Prvog korpusa Armije BiH, školarci iz Hrasnice, Sokolović-Kolonije i Butmira, šaljući poruku da nikad neće biti zaboravljene žrtve najboljih sinova BiH. Nekadašnji pripadnici evocirali su uspomene, a među njima su bili ratni načelnik štaba Prvog korpusa, brigadir Vahid Bogunić i komandant Četvrte viteške motorizovane brigade general Prevljak Fikret. Održan je historijski čas, a položeno je cvijeće na spomen-obilježje poginulim borcima Dio "Fikro".

"Vi ste čuvari naše historije, vi ćete pamtili i prenositi na sljedeće generacije slavne tekovine proteklog odbrambenog rata i herojske podvige boraca Četvrte viteške brigade i Armije BiH. Stvarni heroji nisu u filmovima i stripovima, oni su među nama, i onda i sada su bili garant opstanka jedine nam Bosne i Hercegovine. Danas su ovdje prisutni učesnici operacije oslobađanja Hojte. Ovo je prvi put nakon 21 godine da su vojnici, komandiri i komanda jedinica koje su učestvovala u ovoj operaciji zajedno sa vama na ovom mjestu. Na žalost, na časnom putu odbrane Bosne i Hercegovine mnogi su dali svoje živote. Oni su sa nama uvijek, a posebno u danima kada se sjećamo teških dana naše bliske prošlosti. Na nama je da ovakvim okupljanjima i sjećanjima čuvamo tekovine teško izvojevanih bitki i prenosimo na sljedeće generacije koje su budućnost nam jedine domovine, Bosne i Hercegovine, jer oni koji ne pamte svoju prošlost neće imati ni budućnost" kazao je Prevljak.



## Uskoro podjela sadnica maline

Na prijedlog Komisije za dodjelu sadnica maline, Općinski načelnik donio je odluku da 22 kandidata dobiju sadnice maline. Sadnice će dobiti: Prljača (Zuhdija) Adnan, Butmir, ul. Plavi put br. 49, 1000 sadnica, Klačar (Mujo) Bernad, Rakovica, ul. Rakovička cesta br. 361,



1000 sadnica, Bubić (Sabit) Jusuf, Rakovica, ul. Gornja mahala br. 10, 1000 sadnica, Tomić (Niko) Nevenka, Stup, ul. Doglodi br. 57, 1500 sadnica, Kadić (Hasan) Ferid, Butmir, ul. Poligonska br. 66, 1000 sadnica, Sinanović (Himzo) Suvad, Rakovica, ul. Rakovička cesta br. 298, 1500 sadnica, Muratović (Rašid) Senad, Rakovica, ul. Gornja mahala br. 22, 1500 sadnica, Cvijetić (Hamid) Ramo, Rakovica, ul. Zenik br. 1, 1500 sadnica, Begović (Zajko) Akif, Rakovica, ul. Rakovička cesta br. 442, 1500 sadnica, Sinanović (Himzo) Mirsad, Rakovica, ul. Rakovička cesta br. 96, 1500 sadnica, Baberović (Zilko) Ibrahim, Rakovica, ul. Rakovička cesta br. 302, 1000 sadnica, Begović (Selim) Zihad, Rakovica, ul. Bistrički put br. 48, 1500 sadnica, Eminić (Avdija) Ahmet, Blažuj, ul. Remze Ahmetovića br. 177, 1000 sadnica, Muratović (Fahrija) Fikreta, Rakovica, ul. Česma br. 20, 1500 sadnica, Vreto (Ibrahim) Amra, Rakovica, ul. Kakrinjski put br. 269, 1500 sadnica, Begović (Našid) Haris, Rakovica, ul. Bistrički put br. 52, 1000 sadnica, Kovač (Bajro) Izet, Rakovica, ul. Bistrički put br. 115, 1500 sadnica, Mujović (Šaćir) Esad, Hrasnica, ul. Himze Mekića br. 5, 1500 sadnica, Osmanović (Rasim) Hasan, Rakovica, ul. Zenik do br. 79, 1000 sadnica, Kahvić (Mujo) Amir, Hrasnica, ul. Lasičke megare br. 108, 1500 sadnica, Pitarević (Hamed) Mevludin, Otes, ul. Terovića br. 96, 1500 sadnica i Baberović (Ibrahim) Zijad, Rakovica, ul. Rakovička cesta br. 302, 1500 sadnica.

Izabrani kandidati potpisat će Ugovor o dodjeli sadnica maline sa Općinskim načelnikom, kojim će biti regulisana sva dalja međusobna prava i obaveze.

## Općina Ilidža stipendira učenike i studente

Općina Ilidža objavila je Konkurs za stipendiranje učenika i studenata slabijeg imovnog stanja u školskoj/akademskoj 2015/2016. godini.

Pravo na apliciranje imaju redovni učenici javnih ustanova srednjih škola Kantona Sarajevo i redovni studenti visokoškolskih ustanova Univerziteta u Sarajevu, učenici koji su od prvog do četvrtog razreda završili sa najmanjih uspjehom vrlo dobar (4) a studenti sa prosjekom ocjena iz prethodne godine studija najmanje (7,5), kao i da nisu ostvarili pravo na stipendiju po nekom drugom osnovu od druge institucije, te da nemaju prihod po članu zajedničkog domaćinstva veći od 300,00 KM.

Za srednje obrazovanje u akademskoj 2015/2016. godini stipendirati će se 40 učenika od prvog do četvrtog razreda i 50 studenata od prve do pete godine fakulteta. Apsolventi nemaju pravo na stipendiranje. Visina mjesečne stipendije za učenike iznosi 75,00 KM a za studente 100,00 KM.

Uz ispunjenu prijavu na Konkurs (obrazac se može preuzeti u Centru za pružanje usluga građanima Općine Ilidža ili na [www.opcinailidza.ba](http://www.opcinailidza.ba)) kandidati trebaju dostaviti i potrebnu dokumentaciju. Sva dokumenta koja se dostavljaju kao dokaz o ispunjavanju uslova moraju biti originalni ili ovjerene fotokopije, te ne smiju biti starija od 6 mjeseci.

Rok za podnošenje prijava je 9. novembar 2015. godine. Prijave sa dokazima o ispunjavanju uslova konkursa dostaviti u Centar za pružanje usluga građanima Općine Ilidža ili putem pošte na adresu Općina Ilidža, ul. Butmirska cesta br.12, 71. 210 Ilidža.

Na nedavno raspisani Konkurs za stipendiranje talentovanih učenika u srednjem i studenata u visokoškolskom obrazovanju u školskoj/akademskoj 2015/2016. godini prijavilo se 228 studenata i 131 učenik. U toku je obrada podataka prijavljenih kandidata. Svi koji ispunjavaju uslove dobit će stipendiju. Visina mjesečne stipendije za učenike srednjih škola i studente prve godine fakulteta iznositi će 78 KM, dok za studente starijih godina visina stipendije ovisi o prosjeku ocjena i kreće se u rasponu od 96 do 120 KM. Stipendije će se dobijati za jednu nastavnu godinu i isplaćivat će se također 10 mjeseci.

## Radionica “Pisanje opisnog i finansijskog izvještaja o utrošku sredstva”

U Općini Ilidža 12. oktobra je održana radionica o temi „Pisanje opisnog i finansijskog izvještaja o utrošku sredstva”. Projekat su organizovali Općina Ilidža i Institut za razvoj mladih “KULT”. Učesnici radionice su bili predstavnici udruženja iz oblasti sporta, obrazovanja, kulture, mladih i ekologije. Predavači su bili Vesna Filipović i Merima Topalović iz Instituta za razvoj mladih “KULT.”

Načelnik Općine Ilidža prof.dr. Senaid Memić izrazio je nadu da će edukacija ovim udruženjima na koji način trebaju pisati projekte biti od velike koristi.

“Dobivanje sredstava ubuduće zavisit će od načina i kvaliteta projekta, gdje će se gledati stručnost, a gdje će se snositi i odgovornost za utrošena sredstva. Nadam se da će ciljne grupe za koje pravite projekte ravnomjerno vidjeti efekte od tih projekata, a ne samo neki pojedinci “izjavio je načelnik Memić.







## Pisanje projekata po standardima EU

Seminar "Pisanje projekata po standardima EU" u organizaciji Udruženja „Svitanje“, a uz podršku Općine Ilidža Sarajevo održan je 24. oktobra, u sali internacionalnog univerziteta "Burch". Tom prilikom učesnicima projekta uručene su diplome o završenoj edukaciji, koje je u ime udruženja "Svitanje" uručio koordinator projekta Amer Osmanković.

Projekat u kojem je učestvovalo 20 polaznika seminara, mladih ljudi sa područja općine Ilidža održan je s ciljem osposobljavanja za pisanje, apliciranje i realizaciju projekata pri fondovima Evropske unije. Učesnici seminara su kroz ovu edukaciju osposobljeni da sa projektima apliciraju na konkurse svih nivoa vlasti u BiH, te raznim fondovima u BiH, Evropi i cijelom svijetu.

Seminar je koncipiran tako da su svi učesnici imali priliku da uče na svojim projektima kao i na projektima drugih timova koji su sudjelovali na seminaru. Na ovaj način su stekli specifična znanja i vještine koje će moći koristiti u svom životu i radu.

Općina Ilidža opredijelila se za plansko, sistematsko i strateško rješavanje problema lokalne zajednice kroz davanje grantova za projekte. Ovi mladi učesnici sada rješavanje određenih problema mogu prijaviti putem redovnog javnog poziva koji Općina Ilidža raspisuje za projekte NVO sektora. Ovakvim pristupom daje se prostor građanima da samostal-



no artikulišu svoje probleme i da kroz projekte ponude i rješenja.

Amer Osmanković, koordinator projekta je istakao veliko zadovoljstvo da je Udruženje „Svitanje“ sa Općinom Ilidža realiziralo ovakav projekat.

“Zahvaljujemo se Općini Ilidža koja je prepoznala važnost ovog projekta i podržala edukaciju mladih. Učesnici ovog seminara će svojim projektima u budućnosti doprinijeti svom ličnom razvoju i razvoju zajednice u kojoj žive” dodao je on.

Pored Općine Ilidža ovaj projekat je podržan od Hotela "BM", fondacije "Muharem Berbić" i Internacionalnog univerziteta "Burch".



## Sajam meda na Ilidži

U organizaciji Udruženja pčelara „Behar“ Ilidža, od 19. do 23. oktobra 2015. godine u ulici Rustempašina na Ilidži održan je sajam meda, pčelinjih proizvoda i ljekobilja. Na sajmu je izlagalo 24 pčelara iz cijele Bosne i Hercegovine. Pored pčelinjih proizvoda bilo je i štandova sa ljekovitim biljem.

„Sajam je izložbeno-prodajnog karaktera i mi želimo da bude tradicionalan. Ovom prilikom želim da se zahvalim načelniku Općine Ilidža prof. dr. Senaidu Memiću uz čiju pomoć smo i organizirali ovaj sajam kao i službama koje su nam bile na raspolaganju”, izjavio je Muamer Lisica predsjednik Udruženja „Behar“.

Ovo udruženje postoji od 2007. godine i do sad su organizovali pet škole pčelarstva za pčelare početnike koje je pohađalo 150 polaznika.

## Simpozij „Tradicionalna hrana od Adrie do Kavkaza“

Nakon Turske i Makedonije, simpozij „Tradicionalna hrana od Adrie do Kavkaza“, koji organizuje Univerzitet Namik-Kemal iz Tekirdaga (Turska), ove godine bio je i u Sarajevu, tačnije na Ilidži.

Poljoprivredno-prehrambeni fakultet Univerziteta u Sarajevu u saradnji sa ovim fakultetom bio je ovogodišnji domaćin skupa koji je održan od 1. do 4. oktobra u glavnom gradu BiH u Hotelu "Hollywood" na Ilidži. Na simpozij prijavljeno je bilo više od 600 radova koji se odnose na tradicionalnu hranu od Azerbejdžana, Turske, Grčke, Italije, Austrije pa do zemalja regije. Načelnik Općine Ilidža prof. dr. Senaid Memić prisustvovao je na ovom simpozijumu i zaželio uspješan rad.







## Edukacija o ovisnostima u školama

„Edukacija o ovisnostima“ naziv je projekta koji se i ove godine od 06. do 08. oktobra održavao u Prvoj, Trećoj i Petoj osnovnoj školi. U projektu, koji je organizovalo Kulturno društvo „Stup“ učestvovalo je po devet najboljih učenika šestih, sedmih i osmih razreda iz deset osnovnih škola sa područja Ilidže.

„Nastojim da svojim predavanjima educiram djecu o njihovim osnovnim pravima, ali i stalnom porastu ovisnosti među njihovim vršnjacima“, rekao je psiholog Remzija Šetić. Cilj ovih projekata je bio da se djeca obrazuju, ali i da svoja znanja prenesu svojim drugarima, jer je dokazano da su upravo oni najbolji edukatori i da djeca najlakše usvajaju ona znanja koja im prezentiraju njihovi vršnjaci.

Psiholog Šetić je dodao da se učenicima ostavlja mogućnost da sa svojim nastavnicima dopune znanja koja su stekla na ovim predavanjima.

Koordinatori projekta „Edukacije o ovisnostima“ subili Ministarstvo za obrazovanje, nauku i mlade KS, Ministarstvo za rad, socijalnu politiku, raseljena lica i izbjeglice KS i Općina Ilidža.



## Dobra saradnja NTV Hayat Općine

Uspješno je okončan Festival narodne muzike „Ilidža 2015“ i svi posjetioци su mogli uživati na Ljetnoj pozornici na Ilidži i pored malih ekrana, zajednička je ocjena generalnog direktora NTV Hayat Elvira Švrakića i načelnika Općine Ilidža prof. dr. Senaida Memića prilikom susreta 6. oktobra u Općini Ilidža.

U razgovoru je rečeno da je Općina zadovoljna pruženim uslugama ove medijske kuće, a istaknuta je nada da će se i ubuduće dobra saradnja nastaviti.

## Čovječe ne ljuti se

U prostorijama JU “Prva osnovna škola”, 12. oktobra je implementiran projekat “Čovječe ne ljuti se 2015”, gdje su igrači/ djeca činili figure igre i kreirali igru. Ovaj projekat je finansijski podržala Općina Ilidža, putem Savjetodavnog odbora mladih Ilidža, kojima se SRK “KRIS-KROS”, inače organizator ovog događaja, posebno zahvaljuje, kao i predstavnicima Službe za obrazovanje, kulturu, sport i informisanje Općine Ilidža. Clj projekta je vratiti djeci pomalo zaboravljene društvene igre, omogućiti im dobru zabavu i druženje, i odmaći ih od kompjuterske svakodnevnice i igara, koje kompjuterska tehnologija nudi. U takmičarskom dijelu programa učešće su uzeli učenici drugih i trećih razreda Prve, Pete, Osme osnovne škole “Amer Čenanović” i učenici OŠ “El-manar” Ilidža.

Prvo mjesto osvojila je ekipa drugog razreda JU “Prva osnovna škola”, drugo mjesto osvojila je ekipa trećeg razreda JU “Pete osnovne škole” a treće mjesto osvojila je ekipa trećeg razreda JU Osmo osnovna škola “Amer Čenanović”. U projektu je učestvovalo oko 50 učenika, drugih i trećih razreda.

Uručene su plakete pobjednicima, a ostalim učesnicima, diplome i zahvalnice.



## Realizovan projekat “Mali vatrogasci”

Udruženje za zaštitu od požara i zaštitu okoliša “Mali vatrogasci” iz Sarajeva 06. i 08. oktobra 2015. godine je učenicima od prvog do petog razreda „Prve osnovne škole Ilidža“ održalo edukativne časove u sklopu mjeseca zaštite od požara i projekta “Vatrogasci naši prijatelji”. Učenici i njihovi nastavnici su upoznati sa zanimanjem vatrogasac, opremom koju koriste vatrogasci prilikom intervencija, različitim situacijama u slučajevima požara i kako se u takvim situacijama ponašati. Realizaciju projekta je omogućila Općina Ilidža.







## Pete igre bez granica ilidžanskih osnovaca

Usali za tjasni odgoj Osme osnovne škole „Amer Čenanović“, 27. oktobra 2015. godine realizovana su dva projekta „Pete igre bez granica ilidžanskih osnovaca“ i „Četvrti turnir u stolnom tenisu“ koji je sastavni dio projekta „Vesela olimpijada ilidžanskih osnovaca“ pod pokroviteljstvom Općine Ilidža, a u organizaciji Sportsko-rekreacijskog kluba „Kris-Kros.“ U takmičenju spretnosti učestvovali su učenici osnovnih škola sa područja općine Ilidža. Ekipe su sačinjavali po šest takmičara, a takmičili su se u osam disciplina i to: štafeta sa balonom, kašika i ping-pong loptica, trčanje u vrećama, ples u paru, ples oko stolice, i sl. Ciljevi ovih projekata je da se kod ilidžanskih osnovaca razvije sportski duh i poznanstvo, da se zabave i da kroz raznovrstan, kvalitetan program, iskažu svoj talent i umijeće. Prvo mjesto osvojila su ekipe Osme osnovne škole „Amer Čenanović“, drugo mjesto pripalo je učenicima „Prve osnovne škole“, dok je treće mjesto zauzela ekipa „El-Manar“. U četvrtom turniru stolnog tenisa prvo mjesto bio je Faris Kovač, „El-Manar“, drugo Omar Fattah iz iste škole, a treće Mahir Trnka, „Prva osnovna škola.“ Svim učesnicima dodijeljene su zahvalnice i diplome za učešće, a pobjednicima pehari i medalje.

## Obilježen Svjetski dan mentalnog zdravlja

Na inicijativu Svjetske organizacije za mentalno zdravlje (WFMH) 10. oktobar, obilježava se od 1992. godine kao Svjetski dan mentalnog zdravlja. Cilj obilježavanja ovog dana je podizanje svijesti o važnosti očuvanja mentalnog zdravlja, jer kompletnu zdravu strukturu čovjeka čini ne samo zdravo fizičko, nego i mentalno stanje. Centar za mentalno zdravlje RJ Dom zdravlja Ilidža i Udruženje za zaštitu mentalnog zdravlja „MENSSANA“ Ilidža, 9 oktobra 2015. godine u prostorijama službe obilježili su ovaj dan.

„Mentalno zdravlje nije samo odsustvo mentalnog poremećaja. Ono je definisano kao stanje blagostanja u kojem svaka osoba ostvaruje svoj potencijal, nosi se sa svakodnevnim stresom života, da može produktivno raditi i u mogućnosti je da doprinosi svojoj zajednici. Statistika pokazuje da je, u periodu poslije rata u Bosni i Hercegovini, povećan broj osoba koji imaju neki od problema s mentalnim zdravljem. Namjera obilježavanja jeste da se doprinese podizanju svijesti javnosti o važnosti očuvanja mentalnog zdravlja i nužnosti destigmatizacije osoba koje žive s nekim od problema te vrste“ kazala je Elvira Ališahović-Gelo,



## „Zaboravljene igre“

U prostorijama Pete osnovne škole Sokolovići 23. oktobra 2015. godine, Udruženje Centar za edukaciju, savjetovanje i kulturu dijaloga „AKTA“ sprovelo je druženje za učenike trećeg i četvrtog razreda ilidžanskih osnovnih škola. Ubrzanim razvojem računarskih tehnologija, djeca više ne mogu zamisliti dana bez računara ili mobitela. Evidentan je nedostatak kvalitetnog druženja, razvoja komunikacije i socijalizacije, kao i sve veći broj pretihliih učenika i učenika sa problemima iskrivljene kičme zbog nepogodnog položaja tijela.

„Željeli smo pružiti učenicima mogućnost druženja sa svojim vršnjacima kroz sudjelovanje u društvenim i zabavnim sadržajima koji se isprepliću s natjecanjima, a također afirmiraju osnovce u pozitivnom i kreativnom smislu. Nadamo se da oživljavanjem igara u realnom, a ne virtualnom svijetu ne samo da ćemo poticati učenike na aktivno druženje sa vršnjacima, već i na druženje u krugu porodice u cilju razvijanja toplijih porodičnih odnosa. Prisjetili smo se nekih od igara koje su nekada bile neizbježni dio djetinjstva: širi širi vezeni peškiri, igra klikerima, gluhi telefoni, igra gume i štrika, domine, ne ljuti se čovječe, skakavaca boli glava, pogodi-pogodi (pantomime), care care govedare, ledena kraljica (lede) i košarica“ rekla nam je predsjednica udruženja Alisa Ibričić Mehmedspahić.

odgovorni ljekar službe. U okviru dana organizovana je izložba ručnih radova korisnika usluga centra i udruženja, koji dva puta sedmično u prostorijama ovog centra, uz stručni nadzor terapeuta imaju grupne terapije na kojima se druže, crtaju i razmjenjuju svoje ideje.

Zada Mušić članica „Udruženje „MENSSANA“ koje je formirano 2012. godine i broji 30 članova, zahvalila se načelniku Općine Ilidža prof. dr. Senaidu Memiću koji je izdavanjem sredstava iz budžeta pomogao da naprave izložbu.





## Novi uspjesi KK Champion

**K**ao i prethodnog puta u Coburgu, karatisti KK Champion su blistali, a čast pobjednika u timu koji je putovao u Salzburg pripala je Harisu Sujkoviću koji je osvojio srebro u kategoriji preko 84 kg. Sujković je do srebra došao pobjedama u mečevima protiv Estonca, Italijana i dvojice Francuza u završnici turnira, izgubivši meč od hrvatskog reprezentativca u finalu.

Ostali takmičari Karate kluba Champion zabilježili su odlične nastupe, no ovoga puta sportska sreća i rezultat nisu bili na njihovoj strani.

